

近代中國史料叢刊第三十二輯
沈雲龍主編

籌邊紀略

蕭劍秋著


文海出版社印行

中華民國五十八年二月初版

近代中國史料叢刊 第三十二輯

精裝：十六冊

定價：新台幣



編著者：沈

雲龍

發行人：李

振華

出版者：文海出版社

臺北縣永和鎮中興街99巷8號

郵政劃撥戶第二七八四號
電話九二一二六五九號

印刷者：美明美術印刷廠

臺北市康定路二〇二號

經銷者：全省各大書局

版權所有

內政部登記證內版台業字第〇八〇〇號

民國六年三月刊

(第一册)

壽邊紀略

壽邊紀略


中華民國
六年三月
劍秋氏刊

籌邊紀略序

從古文章之士籌邊之策多矣或徒逞詞華而疎事實或立意迂緩而儻時勢故其見效也遲之又遲成功也微乎其微余讀蕭君劍秋籌邊紀略一書殫治研精切中事實近合時勢遠利推行如在鄂開藏事研究會籌畫五省近兵方略上尹頌權西征三策以及條陳中央墾礦屯殖與夫幣制統一漢夷通婚諸策皆當時急務果能循行無渝富強國家於是乎在利厚民生於是乎資爰贅數語於篇首有心家國者盍留意焉

中華民國六年二月

安岳唐堃謹識



籌邊記略上卷目錄

原序

援救西藏意見書

武昌大漢報登載援救西藏急切意見書

第一次上蒙藏局書

第二次上蒙藏局書

上大總統民國進行八策

上尹碩權書

西征三字策

籌邊十六策

蒙藏局來電

挽救吾川急迫困難情形書

上統一中國財政書

西藏調查實錄

民生最急根本政策

發起中外和平聯合會序

贊成書後

籌邊記略

洪雅蕭劍秋述

原始

援救西藏意見書

西藏夙連印度西蓋中國其形勢之要害可握吾國生死命脈之機其物產之豐隆實爲完全太古未剖之璞其情形之危迫尤有岌岌不可終日之勢今試分析言之曷言乎形勢要害也蓋西藏據吾中華之絕頂右掣雲貴左肘陝甘四川實爲其胸膈倘使外人居此奮其雄武北出青海電發雷轟既可直搗隴背出涼涇而下三秦則晉豫魯燕如振秋葉南走瀾滄更可傾瀉滇池捲黔湘而括兩粵則桂贛閩浙若掃輕塵東出巴壩更可囊括全川據長江之上游則荆揚皖越無不震恐曷言乎物產豐隆也西藏重山疊嶂崇隆嶺舉磅礪雄厚舉凡五金之礦錫煤之產無不產藏惜乎藏人情窳數千年來絕無一人提議開採實爲從古迄今龐鴻未剖之完璞爰以輻員遼闊土地荒蕪到秋夙曾往

來其間日視東西俄洛等處莽莽平原數百里之開洋可愛而蓬蓬蔓草一二
萃之苗稼誰栽綜此兩端實爲吾國絕大利源如聽委棄終埋均屬大爲可惜
曷言乎情形危迫也西藏介居薩拉印度之間俄既磨礪於北英又虎視於南
彼此垂涎耽耽遂逐已非一朝一夕均有未知鹿死誰手之望是以各逞陰謀
大施其誘惑之狡計適因邊疆早有貳志遂竟墮其術中故於前清末季先遣
使於俄繼遣使於英最後又親赴英國一次中朝見其種種不合也因卽削其
活佛封號達賴於是舉兵叛蓋恃有英爲援也自時厥後小醜跳梁日甚一日
迨至民國元年六月風聲尤惡妖氛所熾漸將逼近爐城當此逆焰梟張若不
急籌洗滌之術則缺保衛之金貳億萬年之蕩蕩顛撤喪完全之楚璞數千里
之繁富全拋甚可惜也抑再尤有甚者英人於比什納特既通輪舶之後近更
用淺水小輪直抵薩加又由印度恆河海口東岸漸池港起點建一鐵路亦直
抵薩加夫薩加距昌都南邊僅百有餘里英人慘澹經營不遺餘力竟以輪船

火車萃集該地則其久存弋取之心已可概見今藏人蠢動彼更有機可乘我若不亟早圖則將坐失權予人形勝中國危亡劇烈之慘殆未有甚於此者矣劍秋旅鄂以來迭讀川電魄動驚心眷懷西土不盡股憂幸得旅鄂滇黔川楚五省同人關懷大局於大同社特開大會討論援藏方法劍秋因特登台宣言曰方今民國成立改建共和五族人民既得同享共和之幸福即當有和衷救濟之職務蠢爾藏人竟昧此義首先發難自外生成洵爲國民之公敵普天之下誰不共矢同仇無如我蜀自去歲十月之變一再蹂躪經濟困難欲出平定之師苦無接濟之餉今幸五省同胞籌邊有術志切澄清爰假大同社組織藏事研究會以期各省同人互相討論補助政府極亟進行劍秋躬逢其盛不揣材力綿薄貿然登台有不得爲不爲諸君告者劍秋最見以平藏雖以兵力爲重而行軍則以餉項爲先應即呈明

大總統電知鄰近各省明白宣示此項軍需關係甚大無論於何款項下先行

撫整俟藏事平定後或由川省與鄰近各省分解攤還或由各省於應解中央款內提撥則軍費有著兵力自雄醜夷雖強何難一鼓征服轉瞬遶氛靖息外患消弭神州有金湯之固領土無無殘缺之虞則是此一舉也救藏卽所以救川救川卽所以救中國夫以救藏爲全國安危所繫之要

中央政府應有完全擔負之責各省同人絕無彼疆此界之私尙望急其所急以救倒懸不勝迫切待決之至

武昌大漢報請登載援救西藏急切意見書

蕭劍秋著

現在西藏危急勢若燃眉今幸我漢語楚蜀聯袂而起結成一氣自當研求如何籌餉如何出兵總以議決後能立實行以救國懸爲目的斷不宜各懷私見紛紛辯詰遲誤事機譬如人有急病勢在垂危總以救急各方速加施治爲要否則必求妙藥良醫於千里之外吾恐醫藥未至而人已早斃矣劍秋非不知兵宜求精餉宜求厚但以近日迭接川電深知藏事甚急兵早一日出發卽使

人民少一日恐慌除先行電請

中央政府與英使嚴重交涉斷彼後援外今擬數條教陳各省同胞互相研究
爲盼

一各省現既承認請兵平藏自應有擔負籌餉責任應由各省同志推舉代表
各回本省與都督接洽一面設法籌餉議決如何出兵如何運餉接濟今擬每
省暫籌銀十五萬兩五省綜計共七十餘萬兩再電請

中央擔任二十五萬兩共成一百萬兩以供一師之用計可支持數月此救急
法也如富庶省分可以多籌自宜不必限制

一此項救急之兵愈速愈妙今擬五省暫各出兵一千以求迅速出發而救急
迫蓋多出兵隊不特餉項難籌且西藏道路崎嶇各省雖與四川連界然距藏
殊遠至速亦須月餘深恐軍士在途急行跋涉及至藏地早已疲憊不堪再四
思維惟有湘鄂滇黔四省暫各派兵一千各省多運槍支二千并多運機關炮

開花炮各數尊四省合計得槍八千支除每兵一支外尙餘四千餘支合之川省一千支共餘五千支此五千兵卽在四川雅州一帶招募取其本地土著既熟地勢又悉賊情并習慣六十里距敵最近又能耐受風雪之苦用爲偵探則聲音口語不甚相差用爲鄉導則跋山越嶺尤爲得宜蓋西藏地勢險阻飲食惡劣南省兵士初到誠恐水土不服艱辛難受又兼頑石遍地皮鞋皮靴油滑難行雖冬日嚴寒亦必須草屨芒鞋方稱輕便此所以必募土人之爲有濟也或疑新募之兵未受訓練不克備戰殊不知蠻夷用兵只知尙崇武力今我新募之兵只先教以開槍之法使能奮勇直前必能制勝如蒙諸君贊同鄙言則一面懇求總統電知川督令雅州地方速行招募一面由四省速派教練及各長官兼程赴雅從速練訓俟各省槍械運齊立卽開發再查雲南瀾滄江發源西藏倘滇黔能溯流而上先出奇兵攻其不備尤爲計之得也

一各省既屬同心援藏意見極宜化除有功同享見難同趨各省軍士英俊特

達自不乏人應由各省同人推舉多名呈由副總統或本省都督委任指揮管帶各職以便到藏督師臨敵調度如此舉行則各省和衷共濟不忌功不畏難以此制敵何敵不摧以此圖功何功不克古語有云千金易得一將難求今以五省之大各舉其精幹明達之士有勇知方之才俾之會萃叢集必能各抒新猷出奇制勝此臨陣靖夷之上策也况西藏山形險要出征之兵尤宜散紮溢口隨地爲營不宜聚於一隅若非多選將官分帶各隊擇要防堵使其聲勢聯絡呼應相通則臨陣必能隨機應變因地取勝此又救藏之要道也

一各省只出兵一千又只籌餉十五萬兩則餉項既易解決軍隊亦甚簡單無待瑣言惟是現已中秋稍再遲延嚴冬即至藏中冰雪滿山愁雲慘目寒氣襲人礪風侵骨據此情形總以愈速愈妙急爲佈置否則難以進行抑更有請者臨敵以槍礮爲先開放則以測量爲重蓋同一砲也演放時其礮身低昂之度異則砲子所擊之遠近亦大異是故施放者必須先知距敵之遠近然後無慮

發之虞且既確知遠近如或相距尙遠只須我在砲最遠界內我即可昂其砲以攻之是敵未能及而我已擊之矣 創秋 幼承庭訓其於砲法素所深研夙曾親見家嚴創有測敵遠近之鏡其法用頂上照像凸鏡及凹鏡各數面製成持以對照敵人入鏡之人影大則近小則遠視其人影之大小即可知敵之遠近無疑今擬先將此鏡製成數十架分給各管帶槍砲之施放一以管帶之命令爲主義讀家嚴所著之礮學顯微曾有越擊之法西藏多山既有此鏡測知遠近縱敵在重山之外我亦可以用越擊之法以轟之卽庶乎兵甫加而敵人之膽先破矣以上各條是否有當伏希

五省同胞卓裁

是書上後得五省同志推舉代表赴京遂得陳述各意見書爾時風聲所播邊藏驚惶都督尹公乃獨認平藏之役而各省之兵亦未果發不但吾川無兵役之咍卽藏番亦免蹂躪之憂矣

第一次上藏藏局書

旅鄂藏事研究會川代表蕭劍秋爲呈明急遽平藏事敬呈者現在西藏告警岌岌可危欲乞平定之師苦無接濟之餉旅鄂兩湖滇黔及四川五省同志迭接川電關懷倍切爰在武昌假大同社組織藏事研究會以期互相討論補助政府極急進行已得五省同人提議每省各先籌餉一十五萬兩各出兵士一千名各運槍械二千枝并各運機關炮及開花炮各數尊先在四川雅州府招募士兵五千名取其本地土著既熟地勢又悉賊情并耐風雪之苦各等情幸經同人表決推舉 劍秋 代表前來竊以爲四川爲中國極要屏藩而西藏又爲蜀西第一門戶蠢爾達賴自外生成首先發難搖我邊陲處此危急之勢無論何省出兵何省籌餉總宜急速設法討平則救藏卽所以救川救川卽所以救中國似爲方今最急要圖故特呈懇
總裁請予核奪轉詳

國務院核議呈由

大總統命令速飭就近各省曉以此項軍事重要自應由中央一力擔任不論何省先於何款項下暫行撥解俟藏事平定或由各省自行籌還或於各省應解中央款內提撥則軍費有著兵力自雄似不難於一鼓征服矣爲此敬懇大總裁察核施行不勝迫切待命之至

右書於民國元年八月中旬在京呈上

第二次上蒙藏局書

旅鄂藏事研究會川代表蕭劍秋爲敬呈管見以救邊防事竊以西藏風雲日急大局堪憂再四思維今日之事除一面迅卽出兵征討外尤當以絕外援除漢奸爲緊急最要之圖蓋藏人此次背叛固由外人煽惑陰許援助更必有漢奸從中慫串隱作主謀劍秋上年隨從駐藏時日甚久往返數次匪特藏中之山川形勢測繪最詳且於風土人情藏番嗜好以及漢奸之勾串種種狡詐尤

爲洞悉况往年達賴曾親赴英國一次此中情形已可想見爲今之計當先派重使與英俄重交涉聲明西藏爲中國領土外人不得干涉斷其援助之路一面又派人密赴藏中專訪漢奸設法阻止曉以大義明以利害總期剛柔互用破其陰串之謀如此三策并行似較專用兵力頗覺尤易收功現在司兵之人與外交專使想皆不忠無人惟遣人密赴藏中一事必先慎選熟習藏情而又最能隨機應變其人甚不易得創款自去冬光復後將藏區一帶佈置妥協卽推讓事權置身閒散本擬混迹山林不復與聞世事奈當此邊藏風雲日惡譬如同處覆舟之中烏得不起匡扶之念竊念古之人有自荐而終能脫穎者倘果闕乏當選之人創款自願以萬死餘生與此波濤險惡之時勢拚將一擲如蒙不以愚陋見棄自當挺身前往深入蠻荒精細審察消弭漢奸并當隨時隨地精詳研究如何可以振興教育如何可以提倡實業何地可以開辦何地確有何礦均一一繪圖誌說呈報

大局以爲集思廣益之資委之此一舉也當先以調和撫慰之手段破彼偏惑陰險之詭謀旋即宏教育以開風氣開地利而惠邊氓再隨聯絡廓爾喀以孤其勢則庶乎兵不血刃而藏可平矣兵法有云攻城爲下攻心爲上昔武侯征南七擒七縱無非取其心服而已矣所有各情如荷

允准懇即代呈

大總統察核施行

是書上後得 蒙藏局總裁兩明國務院徵聘顧問一席禮遇有加茲將聘

書列後

蒙藏事務局爲照會事本局辦理蒙藏一切事宜關係甚重一應聘任熟悉蒙藏情形者作爲本局顧問以便隨時諮詢素仰

執事洞悉邊情富有經驗用特聘爲本局顧問值此邊疆多故籌畫爲勞端賴碩學通才宏濟艱鉅諒

執事眷懷時局必蒙 俯就卽請隨時 賜教襄助一切爲禱除業經商明國
務總理外特此照會

蕭劍秋先生台照

姚錫光 元年九月十五

上大總統民國進行八策

蜀南公民蕭劍秋謹呈

大總統鈞鑒竊維一代之興必有振作之精神而後有光昌之氣象有光昌之
氣象而後有堅定之國基試觀往古開國之初經營創造規模宏大者其國勢
必昌熾而永久建設卑小者其氣運必短促而滅亡如影隨形固歷歷不爽也
今我

大總統創生民未有之奇局手建民國其功德之巍洵屬莫可比倫然而百度
維新譬若大廈初成萬戶千門正資擘畫稍一不慎未免貽笑後人茲於挈領
提綱之餘與其獨運匠心自任其苦何若集思廣益一秉大公是以量大如天

聖人不惜鉅萬之探情殷獻豕曲士樂輸葵藿之忱茲特擬有民國進行八策
敬爲逐一縷陳如後其一爲振興學校以勵人才查歐洲各國日臻富強而溯
其本源則實由於學校之林立先以普通學級化其愚繼以聲光電化擴其智
隨又宏獎各學之有新得者以故人競研索精愈求精今如仿而行之則庶乎
學校興而人才自出矣其二爲提倡實業以富民力嘗考外洋各地工廠林立
愈出愈奇其造作之宏富工戰之激烈幾有一日千里不可阻遏之勢此無他
先有教育以養其材一班學士又能各本所學日夜孜孜務求新得凡有創獲
之理國家均能保護優獎俾得終身專利故能蒸蒸日上蔚爲國華今如師仿
其意切實提倡則庶乎實業興而民力自富矣其三爲聯和各國以息外憂今
我漢族光復伊始凡百舉動正外人注意審察之時偶有不慎定將藉爲口實
羣焉思逞爲今之計惟有遵守約章聯和各國則外憂可息矣其四爲破除黨
見以弭內患目今黨派紛歧相傾相軋險象環生長此不已深恐中國不亡於

經濟人才之闕乏而轉亡於黨爭激烈之內訌甚可危也爲今之計只有化除黨見不激不隨或大度包已容使之潛移默化或多方誘助務俾一德同心似不宜操之過急以致挺而走險則內患可弭矣其五爲行銷土貨以塞漏卮吾人生命除菽粟外尤以布帛爲必需之物現洋布洋紗洋綢洋緞等類從外洋輸入我中國者每年不知凡幾今各省類能改良紡織久已著有成效惜無人提倡銷行終形廢滯茲如申勸國民務皆去省反璞意以銷行土貨爲首則庶乎漏卮可塞矣其六爲改練鄉團以輕兵費兵爲禦侮靖亂之必要少則不足以保國多則糜費難堪况我中國輿地龐濶尤貴兵力雄厚方足昭鎮懾之威然而所費不資矣今師古人寓兵於農之意飭令天下各縣每縣區爲若干團每團置一團長精選本地之年未四十者曉以人人有富兵之義務編練成團每月訓練一次或二次每縣由省選派一知兵之士前往馬流教習無事各安生業一有徵調卽立刻出發積成雄厚之師則兵費可減矣其七爲宏開礦產

以開利源天不愛道地不愛寶蓄釀無窮礦物以待吾人之取求奈自周禮非人設官而後率皆因陋就簡以致未能盡洩寶藏甚可惜也查歐美各國審察礦苗既隨種類而辨別精確開採機器又因地利而施用合宜是以富有日新頓致宏中肆外就其發見之奇有爲中國從古未有者如生鉛鍊錳之類其出產之多有爲中國迥乎莫及者如英國每年所得之數煤約九千餘萬噸銀約七萬餘磅銅約三萬餘噸鐵約九百餘萬噸之類有此絕大生財故能稱雄海上今我中國地大物博山崇嶽厚光怪陸離於何不有茲如申令全國亟亟講求則庶乎礦務興而財源闢矣其八爲謹守約法以固國基子與氏有言朝不信道工不信度國之所存者幸也誠以道爲天下率由之道卽法律之謂若工匠之規矩準繩然卽有般倖亦莫能廢查本年三月所定之約法既經公宣布示國人似宜自始至終堅守執行徐俟憲法之完竣則庶乎卓立不搖近可杜奸人榮惑之漸光明磊落遠可示天下繩墨之公而國基自由茲永固矣以上

八條雖屬庸腐無奇似爲方今急要凡此區區管見是否有當敬乞

酌核採擇施行幸甚

是書由蒙藏局總裁代呈

大總統遂得派充西藏總調查於元年九月出京爾時蜀中經濟困難無款可撥劍秋遂自備川資十月由成都起身赴鎭并約同志分道出關調查各地其時風雪載途艱苦萬狀幸將該地夷人及各漢奸委婉開導均得欣欣向誠洗心革面所有該地山川形勢風土夷情業經繪圖立說著有專書隨同各同志調查日記彙報蒙藏局在案茲不贅述

上尹碩權書

碩權都督鈞鑒日昨晉謁

崇階面親

樂範殷殷垂注感荷難名隨又

暢談偉畫仰見

雄才大略見卓心精行將

勒石燕然先後爭輝以爲吾蜀光寵特指瀨間事耳惟是冰天雪地烏道羊腸
幾有一夫當關萬夫莫進之勢吾

兄親冒險阻雖已胸有成竹俘虜早在掌握之中然當手具擎天攻守必作萬
全之計昔武侯集思廣益故能七縱七擒劍秋奉中央委任調查來此既略悉
彼中情形復謬蒙

台端雅愛故特見獵心喜聊作借箸之辭不揣樸味愚蒙敬爲芻蕘之獻今擬
西征三字策附呈如後伏希

察核卓裁爲荷

西征三字策

一曰熟中庸有言凡事豫則立豫者熟之謂也用兵之道何獨不然故孫子曰

知彼知己百戰百勝夫欲知彼則當熟知敵之輿地熟知敵之強弱熟知敵之
言語熟知敵之巢穴熟知敵之兵士性情熟知敵之糧道遠近熟知敵之器械
優劣故能運籌帷幄之中決勝千里之外此古人之所以熟思審慮神鬼莫測
也况此西藏迥異內地以言輿地則重山疊嶂道路崎嶇以言強弱則森
忽猛悍狎痛險惡以言言語則鳩舌蛇喙聲音格桀以言巢穴則重峒大堡星
散雜羅以言性情則狡獪陰狼反覆莫測以言糧道則男婦絡繹遠近殊途以
言器械則火砲蠻刀半或接濟於外人由此觀之倘不細將以上各情詳熟
察遂欲於冰雪滿山之時驅我健兒貿然出戰固以大時天時未得尚以地利
地利不知甚非戰勝攻取之道也爲今之計似宜多募本地土著兼又多用上
年本駐防之兵取其習慣水土最能耐苦耐勞用爲鄉導而又冉四圍雜務便
敵情明若觀火然後臨而之戰譬若水之流於江河沛然誰能禦之故君子有
不戰戰必勝矣今爲揭其要曰熟

一曰奇莊子曰萬物一也吳腐化爲神奇誠以奇者迥異尋常之謂懋觀古人行軍用奇之處甚多要無不立收實效試略舉之管臣蒙馬以虎皮爲之奇也田單以火牛攻陣攻之奇也韓信背水爲陣陣之奇也推之諸葛武侯創造木牛流馬是爲輸運之奇岳武穆以麻札刀破金人烏珠之拐子馬是爲陸戰之奇伐君山之木作巨筏破楊么於洞庭是爲水戰之奇從可知兵者詭道其中隨機應變雖有多端而神機要妙則專在於奇此出奇入神所以爲制勝之首也查時下用兵既以槍炮爲主而槍炮之施放當以測知距離遠近爲先創秋曾創有測敵遠近之鏡其法以稜精凹凸鏡造成若照像之鏡然特以照敵近則入鏡人影必大遠則漸小度其大小之影即能確知遠近臨陣有此可稱測量之奇又查炮法同一炮也炮身之低昂有異則炮子所及之遠近迥然不同今有此鏡測知敵距如入我炮力最遠之界則不妨昂其炮身以擊之是敵之炮未能及我我之炮先已及敵敵自無不驚潰再查炮法有越擊之法如敵向

在重山之外我亦可以按法越擊是又可稱爲砲法之奇至於兵法所云虛虛實實聲東擊西諸奇計想已早經洞鑒無待贅陳總以迭出多奇炫其耳目亂其心思使彼瞻顧不遑我乃突加撻伐則庶乎聞風懾服而敵膽自寒矣故曰平藏之要其次在奇

一曰屯用兵之道鎮懾之威或窮勢必難安反側永久之謀不立終將仍廢前功况彼藏人狡詐性成我以兵來彼雖帖然俯順我以兵去彼又悍焉逞兇似此勞師糜費久而不已國力何支去年劍秋在京所上平藏三策有以兵爲屯之計荷蒙藏局總裁轉呈

總統深蒙嘉許惟因邊藏情形是否宜屯無從懸揣是以未得實行現已調查詳晰參酌實情洵宜極急講求此屯之所爲目今急要也顧屯有二義一爲勒兵而守如前漢趙充國分屯要害之類餉仍按照發給一爲以兵兼耕如周禮冬官屯部寓兵於農之類餉可酌量減少今宜兩法并行先仍按兵給餉且由

公家籌費購置農器俟墾有所得卽以少半給墾餘則提作公費至於當墾之地畝得裏塘一帶爲藏咽吭而又山勢開洋數十里溪水平流濁穢淤積以致釀成厲瘴今如先行開通水道以去其濁淤然後從而開墾可得良田萬頃平時督索兵丁墾井耕田飫享農人之樂有事則礪兵秣馬立張捍禦之雄是糧可坐得既免運輸之勞而計屬久長尤爲扼守之要也故曰平藏之策終在於屯

凡此三者曰熟曰奇曰屯似爲平藏之要特爲抒陳敬乞酌核施行爲盼

籌邊十六策

西藏綿亙數千里山勢崔巍寶藏宏富而又毗連印度英人久已垂涎蓋西藏實有倒挈天下之勢北出青海順河而下既可掃蕩中原南出雲貴循嶺以東亦可席捲楚粵東出打箭爐更可囊括四川據天下之上游是誠吾國之生死關鍵也

劍秋於調查之餘深慨鎖鑰之破壞堪虞極思援手貨財之委棄可惜

頗具熱心爰擬籌邊一十六策附呈前來伏希

鈞鑑如有可採之處卽乞轉呈

大總統察核採擇施行吾川幸甚邊藏幸甚

一添設軍備以固邊防也自海禁宏開萬國輻湊歐風美雨慘霧愁雲而黃髮碧睛鈎準懸額之徒鯨吞虎視瓜分之危機日迫亡種之禍水頻來英吉利踞我五印度遂蔓延南洋羣島雄長海微覬覦西土於此若不嚴修戰備固我籬籬彼浪子野心侵占恐不只此一隅蓋三藏地據西陲領鍵東亞居橫斷山脈之險而又與印度毗連若雄鎮其間俯視金沙江瀾滄江怒濤奔湧倒瀉狂瀾北走青海順大河可以掃蕩中原南驅雲貴沿五嶺可以鞭撻交趾東出巴鎰則席捲吾蜀扼長江之上遊據天然之形勝西踰拉薩則橫穿阿藏踞帕米爾高原欵陡而下則印東緬越亦將望風而靡今也番夷蠢動猖獗抗拒而英人暗恣煽惑倘非急急籌邊夷心一去全藏無遺既失數萬里鑛產繁富之區域

更失西南長城之保障拋喪利權予人形勝中國危亡劇裂未有過於此者矣當斯時也雖全國同心猶慮不及而况毫不計及耶爲今日計速宜簡派名望素著精習藏務之將佐分道鎮攝出奇制勝因地制宜多方以取之設謀以伏之彼恃其險我偏於險處劫之彼慣於詐我偏因其詐而襲之真假虛實變化離奇惑其耳目擾其心思使彼瞻顧不遑我乃痛爲剿滅夷人雖狡當亦俯首投誠矣此籌邊所以宜急急請求者一也

二爲懇開曠土以厚民食也藏人素多迷信其狡黠者半爲喇嘛長年安逸坐享衆人之供奉其愚魯者率又惰窳不事生產拋棄良好之利權大抵男不知耕女不知織是其切要之病此滿目蕭條之所由來也爲今之計惟有大興墾務是爲極要之圖現已查得由鑪城出南門行一百八十餘里至打納石又由打納石至東俄洛迄西俄洛一帶計二百六十餘里其中雖迭有大山阻隔然除大山之外沿途地勢平衍約居十之七八且又土壤肥沃惜皆荒棄姑以長

一百餘闊數十里計算約有一萬餘方里於此開墾可得良田五六萬頃又裏塘一帶地勢開洋縱橫約數十里溪水平流污濁淤積以致釀成疫瘴若於此地先行開通水道去其濁穢然後從而開墾約又可得良田一二萬頃又由巴塘行二百餘里至甯靜山地勢既屬平衍氣候又屬溫和縱橫亦有數十里若於此間開墾約又可得良田一二萬頃此外尙有零星多處均可開墾通計所得良田總不下十萬餘頃夫以一頃之地養八口之家每年必皆綽有餘裕果能由此極急進行宏加墾闢將見不數年間荒涼無用之地必立變爲富庶之區此籌邊之所宜急講者二也

三爲振興全藏礦務以阜民財也聚恆河沙無量數之寶貴珍奇韞匱而藏加以重重鎖鑰置諸祕室之內而乃惰其手足不肯略爲啓發竟至啼飢號寒日呼於衆曰我窮甚我窮甚此吾中國人之通病也而西藏爲尤甚蓋藏人多迷信素奉喇嘛爲神聖卽如裏塘大招寺一帶金苗甚旺該寺喇嘛以爲神山不